



МЕСЯЦА ОКТЯБРЯ ВО 2-Й ДЕНЬ

Святаго священномученика Киприана и святыя мученицы Иустины

На Господи, возвах: стихиры глас 4.

Подобен: Яко дбля:

Священническим помазанием и мученическою крвюю / Богу приближился еси, / совершеннейше Киприане всеславне, / цвёте естества, доброто словес, / мудрости верховниче, / правости догматов мерило, / канонов всесличная правота / и Церквей благолепие.

Страждущим благославие, мучеником венец подписуя, / уверил еси Богомудрыя дерзати доблественнейше / на различныя муки и узы, / и темницы, и телес обнажения, / и вязания, и студени лютейшия, / и на раны, и смерть послежде, / Киприане всечестне.

На чарования демонская / песнями Духа и Креста знамение противльшися, / девство соблюла еси / и мученица непобедимая привелася еси Христу, / священнейшее заклёние. / Тем получила еси венцы победныя, Иустино, / девам и мучеником украшенная светлость.

Слава, глас 2:

Учения прелесть и знание идолов отвергл еси истинно / и Креста одеялся еси оружием на спасение, / Киприане всеблаженне, / поверг книги волшебныя, / человека отложил еси ветхаго, / и вселся в тя Богознание Троицы Единосущныя: /

Сию моли, иерарше, со Ангелы, еже спастися нам.

И ныне, Богородичен или Крестобогородичен.

Подобен: Егда от Древа:

Древу Крестному Тя, Иисусе, пригвождена зрящи, / Неискусобращная, плачущи, глаголаше: / Чáдо Сладчайшее, / почтó оставил еси Мене, Рóждшую Тя, Едíну, / Свѣте непреступный Пребезначальнаго Отца, / потщися и прославися, / яко да славу получат Божественную / Божественныя Страсти Твоя славыи.

На стиховне Октоиха. Слава, глас 2:

Светильника Богосийнаго, / Пáвлова собеседника и делом сопричастника, / Киприана восхвалим: / со Ангелы бо веселится, / приим венец нетления от Единого Бога, / и молится спастися душам нашим.

И ныне, Богородичен или Крестобогородичен.

Подобен: Егда от Древа:

Егда Нескверная Агница / виде Своего Агнца, / на заколение, яко человека, волю влекома, / плачущи, глаголаше: / безчадствовати Мя ныне тщишия, Христе, Рóждшую Тя, / что сие сотворил еси, Избавителю всяческих, / обаче воспеваю и славлю Твою, юже паче ума же и слова, / крайнюю благодать, Человеколюбче.

Тропарь, глас 4:

И нравом причастник, / и престолом наместник апостолом быв, / деяние обрел еси, Богодухновенне, / и видения восход: / сего ради, слово истины исправляя, / и веры ради пострадал еси даже до крове, / священномучениче Киприане, / моли Христа Бога / спастися душам нашим.

НА УТРЕНИ

Оба канона Октоиха без мученичнов и святых канон, егоже краегранесие: Пою, блаже, светозарную твою благодать. Глас 4

Песнь 1

Ирмос: Моря чермную пучину / невлажными стопами / древний пешествовав Израиль, / крестообразными Моисеовыми руками / Амаликову силу в пустыни победил есть.

С Премірными чїнами ныне водворяяся, о священная и Божественная главо, / с Небесє прїзри на благочєстно поющия тя / и твоими молитвами сохраняй.

Во мрѣце невѣдения, преподобне, лѣте одержїм / и душегубными страстьми плѣти невоздержаніем ты разжигаем, / преложєние преслѣвно обрел еси внезапу, всеблаженне.

Губителей убо на седѣлици прежде, отче, седѣл еси / и на седѣлици пресвїтеров паки Христа прославил еси, / изменився явлєнно Владычнєю Божєстvenною благодатию.

Богородичен:

Дева по рождестве пребыла еси: / Самѣго бо рождши Творца всех и Господа, / необычно и странно нам явльшася тѣлом, / Богородительнице Мати Приснодєво.

Песнь 3

Ирмос: Веселїтся о Тебе Церковь Твоя, Христє, зовущи: / Ты моя крѣпость, Господи, / и прибѣжище, и утверждєние.

Яко Павел, ко Христу душевную любовь преложив, Киприане всемудре, / того ученик был еси.

Обручает ти Христос, / вместо риз страстных одеяние славы даруя и возрождения одежду.

Поустник* постнический прежде бывый терпелїв, / послєжде, Киприане всехвальне, / свидетель Истины был еси.

Богородичен:

Господьственно и истинно Тя, Богородицу, вернии почитаем, / Ты бо Бога родила еси, плоть бывша, Всенепорочная.

Седален, глас 8.

Подобен: Премудрости:

Наказан в прѣлести прилєжно, / яко Павел, зван бысть с Небесє, / Крестом наставляемь к свету знания, / честныя бо девы любовию разжигаемь, / тоя ради сочетался еси Зиждителю человеков. / Тем обличив немощь вражїю, / с нею сподобился еси лику мучеников, / Киприане, ар-

* поустник — поощряющий, побуждающий к чему-либо.

хиереев удобрение, / моли Христа Бога грехов оставление подати / чувствуящим любовь святую память твою.

Слава, и ныне, Богородичен:

В напасти многоплетенныя впад / от враг видимых и невидимых, / бурею одержим безчисленных согрешений моих, / и, яко к теплomu заступлению и покрову моему, Чистая, / ко пристанищу притекаю Твояя благодости. / Темже, Пречистая, из Тебе Воплощенному без семене / молися прилежно о всех рабех Твоих, / непрестанно молящихся, Богородице Пречистая, / молящи Его присно согрешений оставление даровати / воспевающим достойно славу Твою.

Крестобогородичен:

Агница и Пастыря, и Избавителя Агница зрящи на Кресте, восклицаше, плачущи, / и, горько рыдаючи, вопияше: / мир убо радуется, приемля Тобою избавление, / утроба же Моя горит, зрящи Твое распятие, / еже терпиши за милосердие милости. / Долготерпеливе Господи, милости бездно и источниче неисчерпаемый, / умилосердися и даруй согрешений оставление / верою поющим Божественныя Страсти Твоя.

Песнь 4

Ирмос: Вознесена Тя видевши Церковь на Кресте, / Солнце праведное, / ста в чине своем, / достойно взываючи: / слава силе Твоей, Господи.

Возбнув *, Богогласе, от неистовства перваго, / демонскую лесь и душетленную прельсть всю обличил еси и, радуяся, взывал еси: / слава силе Твоей, Господи.

Доблественно Иустина укрепляема / и Чистую Деву и Обрадованную зело молящи, / сетей избеже и козней же вражних.

Укрепляема верою твоего Жениха / и Крестною силою одяна, / демоны неятна, вопиючи, пребыла еси: / слава силе Твоей, Господи.

Богородичен:

Иже естеством свободен Сый, / образом раба

* **возбнув** — проснувшись.

обнища́ богатством благодсти, Мати Приснодéво, /
из Тебе по Ипостаси все приемъ человечество.

Песнь 5

Ирмос: Ты, Господи, мой свет / в мир пришел еси, / Свет
Святый, обраща́я из мрачна невѣдения / верою воспева-
ющая Тя.

Поборницу имущи я́ве Чистую Богоматерь,
обога́щися, Иустино, / честно́е дѣвство сохра-
нила еси невредно.

Одушевлѣнный Христов и краснѣйший образ,
почтѣм Иустину, / сокровенную добрѣту и некра́-
домое возложѣние.

Невеста Христова присная и несквѣрная, /
страданием и пощѣнием восприѣмши, праведно
сугуб венец носит.

Богородичен:

Ум Ангельский и человеческий не может
сказать / неизреченнаго и преславнаго чудесе
Рождества Твоего, / Всечистая.

Песнь 6

Ирмос: Пожру́ Ти со гла́сом хваления, Господи, / Цер-
ковь вопи́ет Ти, / от бесовския кро́ве очищися, / ради
милости от ребр Твоих / истѣкшею Кровию.

Зло́бы dna преисподняго дошел еси, / к край-
нейшей же паки добродетели, отче, / возшел еси
на высоту, / преславно изменивсѣ Божественным
Крещением.

Был еси служитель дѣмонов пѣрвее, / но Хри-
стов Богоявлѣнный ученик показался еси, / прис-
ною любовью желанье возлюбив последнее.

Многия ты Владѣ́це привел еси мученики, /
куплей величайшую являя, / кровию малейшею
Царство Небесное, Богомудре, купи́ти.

Богородичен:

Расторгни моя плени́цы согрешений, Богоне-
вѣсто, греховнаго закона, / Жизни законом свобо-
ду да́рующи, / Владыку закона рождшая.

Кондак, глас 1.

Подобен: Лик Ангельский:

От худб́жества волшебнаго обратився,
Богомудре, / к познанию Божественному, / пока-
зался еси миру врач мудрѣйший, / исцеления
да́руя чествующим тя, Киприане со Иустиною: / с

неюже молися Человеколюбцу Владыце / спасти души наша.

Икос:

Целений твоих, святе, дарования мне низпослав, / и недугующее мое сердце гнѣом греховным / молитвами твоими исцели, / яко да слово пения от скверных устен моих ныне принесу ти / и воспую болезни твоя, яже показал еси, священномучениче, / покаянием добрым и блаженным и Богу приближающимся. / Того бо удержан рукою, / направился еси, яко по лестнице, к Небесным, / непрестанно моляся спасти души наша.

Песнь 7

Ирмос: Спасый во огни Авраамския Твоя отроки / и, халдеи убив, / яже правда праведно уловляше, / препетый Господи, / Боже отец наших, благословен еси.

На священноначальство вшед, / священнейший образ священноначальником себе и правило явил еси, взывая: / препетый Господи, Боже отец наших, благословен еси.

Живоначальные тебе десницы истинно изменение, отче, нашедшее, / мудра ты сотвори Боговещателя, поюща: / препетый Господи, Боже отец наших, благословен еси.

Оружие непобедимое нам на противнаго, блаженне, ты явился еси, / того обличая лести, поющим: / препетый Господи, Боже отец наших, благословен еси.

Богородичен:

Небеснии лица и Пренебеснии собори / песнословят из Тебе, Богородице, Рожденнаго, зовуще: / препетый Господи, Боже отец наших, благословен еси.

Песнь 8

Ирмос: Веселися, Иерусалиме, торжествуйте, любящии Сиона: / царствуяй бо во веки, Господь Сил прииде. / Да благоговееет вся земля от Лица Его / и да вопиет: / благословите вся дела Господня Господа.

Премудро еллинския мудрости небрегл еси, славне, / апостолов же Божественное вещание, Духом бряцаемо, отче, / и огненными языки ясно изглашаемо, вопиял еси: / благословите вся дела Господня Господа.

Востекл еси на высокая и премирная светло селения, / Христу кровию, яко жертвою непорочною, приносим, отче, заколение живо, приятно и благоугодно, воспевая: / благословіте вся дела Господня Господа.

Побеждаеми от в тебе всельшиися благодати, / дѣмонстии полцы отгоняются и отбѣгают страсти недугующих, Богомудре, / вернии же Божественнаго света насыщаемся, вопиюще: / благословите вся дела Господня Господа.

Богородичен:

Ликуют со Ангельскими, Пречистая, силами о Рождестве Твоем, Богомати, / и Богородицу верою Тя именующии: / Ты бо Владыку и Избавителя нам родила еси, Емуже поем: / благословите вся дела Господня Господа.

Песнь 9

Ирмос: Ева убо недугом преслушания / клятву вселѣла есть, / Ты же, Дево Богородице, / Прозябением чревоношения мѣрови благословение процвѣла еси, / тем Тя вси величаем.

Свьше нас, благочестно поющих тя, назирѣеши Божественною благодатию, / твоими молитвами, Богоглагольниче, и оружием благоволения венчавая, / мир и спасение даруй нам, яко священноначальник Божественнейший.

Течение исцелений обильно персть твоя любящим тя воздает; / тебе же, Киприане, жены Богоносны яко Божественно сокровище приемлют и усердно являют сокровеннаго, / да вси тебе насладимся.

Направити наше ко Христу, пребогате, шествие деяннем, / и Богоугодным житиём, и чистѣйшим очищением / сущо Божию тихость умоли, яко иерарх сострадательнейший.

Богородичен:

Укрепи нашу душевную немощь, Богомати, силою Твоею, / разреши тяготу, Пресвятая, налагаемую рабѣм Твоим, / миру правды Солнце несказанно возсиявшая.

Светилен.

Подобен: Жены, услышите:

В волхвах несосудённа* и единого
пребольша, / премёншаго нрав и попалившаго
книги, наставляющия ко прелести, / и свидетель-
ства венец страннолёпно приёмшаго, / Киприана
похвалим, страдальцев зерцало.

Богородичен:

Древле божества надёждею прельстивый мя
злокóзненный, / плóтным предложением премуд-
ренно паки прельщáется от Девы Возсиявшаго; /
и сице осуждение плóтное плотию разрешися, /
смерти умертвившейся.

На стиховне Октоиха. Слава, глас 8:

Иже злобы прежде опасный побóрник, /
Церкве pósлежди истинный учитель, / иже слу-
житель прелести йдолов, / священноначальник
веры явися, / и блóдный целомóдрен, честныя
ради девы: / обоих молитвами спаси ны, Господи.

И ныне, Богородичен или Крестобогородичен:

Чтó зрímое видéние, / еже Мойма очíма видит-
ся, о Владыко? / Содержай всю тварь / на Древе
воздвiжен быв / и умираеши, всем дай Жизнь: /
Богородица, плачуци, глабóлаше, / егда узрé на
Кресте возносíма, из Нея неизреченно
возсиявшаго / Бога и Человека.

На Литургии: Блаженны Октоиха, на 4. И святых
песнь 3-я, на 4. Прокимен, глас 7: Честна пред Господем:
Стих: Чтó воздам: Апостол к Тимофею, зачало 280. Аллилуия,
глас 2. Стих: Священницы Твои облекутся: Евангелие от
Иоанна, зачало 36. Причастен: В память вечную:

В
ТОЙЖЕ
ДЕНЬ



**Святаго Андрéя, Христа ради Юрóдиваго,
чудотворца**

Стихиры, глас 8.

Подобен: О преслáвнаго чудесé:

О преслáвнаго чудесé, / яко во изступлénии
умá / совершися духовная мудрость в тебе, отче

* несосудный — превосходящий немощь естества.

Андрее./ Вся бо уметы вменил еси,/ да Христа приобретаещи, и Царство Небесное возлюбил еси, еже и получил еси:/ ныне со Ангелы стоя, святе,/ молися о чтущих прилежно память твою.

О преслávнаго чудесé,/ плóтску сердцем Безплóтныя показáл еси/ и сокровенная открыл еси угоднику Твоему, Андрею,/ бывшему юрóду Тебе ради/ и земнýя страсти претерпéвшему,/ крест взéмшему и последовавшу Тебе, Владыце и Богу./ Егоже молитвами, Христе Боже,/ яко Милостив, спаси души наша.

О преслávнаго чудесé,/ в брénном тéле ходя на землi,/ Тебе ради, Господи, яко безплóтен пребывая,/ угодник Твой Андрей вéлие нестяжáние стяжá,/ обещáнных Твоих возжелéв,/ егоже ни óко вiде, ни ухо слýша,/ ни на сердце человека взýде,/ уготóванных любящим Тебе:/ того молитвами спаси души наша, яко Милостив.

Слава, глас 6:

До Небесé восхищén был еси/ и, неизречénныя глаголы слышав,/ невидимая же увидел еси/ и, Честнáго Креста образ видеv,/ с любовию того целовал еси/ и Божественныя сладости исполнился еси,/ и рáйская благáя откровéна тебе бýша:/ от молнии изткáною рiзою облеклся еси,/ Христу последовав,/ святе Андрее досточудне.

Тропарь, глас 1:

Глас апостола Твоего Павла услышав, глаголющ:/ мы юрóди Христа ради,/ раб Твой, Андрей, юрóд бысть на землi/ Тебе ради, Христе Боже./ Темже ныне память его почитающе,/ Тебе мóлимся, Господи, спаси души наша.

Канон святому, глас 4

Песнь 1

Ирмос: Отвэрзу уста моя/ и наполнятся Духа,/ и слово отрыгну Царице Матери,/ и явлюся, светло торжествуя,/ и воспою, радуясь, Тоя чудесá.

Отвэрзи мои устне, подвiгни мой язык/ и исправи мой смысл, вся умудряяй, Боже,/ да похвалю угодника Твоего Андрéя,/ юрóда бывшего на землi Тебе ради.

Андрее блаженне, ты измлада Христа возлюбил еси/ и к Нему единомушно возжелéл еси:/ како же

тя по достоянью похва́лим, / на ди́авола воору́жив-
шася и сего ко́зни победивша силою Христовою.

Молитвами Богу моля́ся и диаволу досаждая, /
и мно́гаго его толца́ния в двери х́жины твоея́
аще вма́ле и устраши́всь, / но неподви́жен умом
пребыл еси, силою Христовою укрепляемый.

Богородичен:

О Пресвя́тая Госпо́же Дево Богородице, / пок-
ры́й ны чу́дным Твоим омофо́ром / и сохраня́й
град Твой от бед и скорбей, / якоже Тя пребла-
женный ви́де Андрей, во Влахе́рнстей церкви
моля́щуюся.

Песнь 3

Ирмос: Твоя песносло́вцы, Богородице, / живы́й и неза-
ви́стный исто́чнице, / лик себе совоку́пльшия, духовно
утверди́, / в Божественней Твоей славе / венце́в славы
сподоби.

Со ефи́опом бра́всь, победи́л еси то́го, / от
Христа́ дерзновение при́йм, мно́гу печаль де́мо-
ном сотворил еси, / святы́м же А́нгелом веселие и
радость, / с нимиже ныне водворя́ешься.

Во сне Христа́ пре́жде видел еси, / на де́моны
тя укрепля́юща / и венец тебе пода́юща, и со
ефи́опом бра́тися поуча́юща: / ныне же не снови-
де́нием, но в неизрече́нном свете Славы Его́ ви́дя,
за ны моли́ся.

Христа послу́шал еси, / повелевшаго тебе ю́ро-
ду бы́ти и Царство Небесное обеща́вша: / Тому
последова́в, неизреченная блага́я Его́ восприя́л
еси, Андре́е досточудне.

Богородичен:

Прииди́ ныне во славе в церковь Твою́,
Богородице, / с соборы́ святы́х, / якоже Тя ви́де
святы́й Андрей на возду́се све́тле, за христианы́
моля́щуюся, / и пода́ждь нам, Госпо́же, ве́лику
милость.

Седален, глас 8:

Узы и желе́зы свя́зан, в церкви́ седа́, Андре́е, /
мно́ги страхи́ от демоно́в подъя́л еси / и помощни-
ка себе обре́л еси́ апосто́ла Христо́ва, возлюблен-
наго Иоанна, / иже повеле́ тебе терпе́ти Христа́

ради./ С нимже ныне водворяешься, за ны моли-
ся, чтущия память твою.

Слава, и ныне, Богородичен:

В напáсти многоплетéнная впад, от враг
видимых и невидимых,/ бурею одержимъ безчис-
ленных согрешений моих,/ и яко к теплomu
заступлению и покрóву моему, Чистая,/ ко при-
стáнницу притекаю Твоя благасти./ Темже,
Пречистая, из Тебе Воплощенному безсе́менно/
моли́ся прилежно о всех рабéх Твоих, непрестан-
но молящихся, Богородице Пречистая,/ моля-
щи Его присно согрешений оставление
даровáти/ воспевающим достойно славу Твою.

Крестобогородичен:

Агница и Пастыря, и Избáвителя Агница зря-
щи на Крестé, восклицаше, плачущи,/ и, горько
рыдаючи, вопияше:/ мир убо радуется, приемляй
Тобою избавлéние,/ утрóба же Моя горит, зрящи
Твое распятие,/ еже терпи́ши за милосердие
милости,/ Долготерпеливе Господи, милости без-
дно и истóчнице неисчерпа́емый,/ умилосердися
и даруй согрешений оставление верою поющим
Божественныя Страсти Твоя.

Песнь 4

Ирмос: Седя́й в славе на Престоле Божества,/ во
облаце легце/ при́де Иисус Пребожественный/ нетлен-
ною длáнию и спасé зовущия:/ слава, Христе, силе Твоей.

Седя́ща на Престоле Христа Царя видел еси,/
горькия сея жизни óбраз рассмотрил еси,/ гор-
чайш пельни* сущий,/ потом же нетленные
сла́дости вкус приял еси.

Тогда во сне и в востóрзе Христа видел еси,/
ныне же, со Безплотными Силами водворяясь,/
Славу Божию видиши непостижимую и
неизглабо́ланную:/ поминай нас, Андрее, чтущих
память твою.

От видéния рáзумов увéрившагося Андрея
похвáлим, вернии,/ на земли бывша юрóда Хри-
ста ради,/ на Небесéх же ныне премúдра духов-
ною благодатию,/ со Ангелы предстояща всех
Богу.

* пельнь — польнь.

Богородичен:

Кто изглаголати может Твоего Рождества тайнство;/ или кто исповесть Твоя молитвы силу;/ аще не бы Сама Ты показала еси Андрею юродивому/ в церкви Влахернстей честный Твой Покров.

Песнь 5

Ирмос: Ужасошася всяческая/ о Божественней славе Твоей;/ Ты бо, Неискусобрачная Дево,/ имела еси во утробе над всеми Бога/ и родила еси Безлетнаго Сына,/ всем воспевающим Тя/ мир подавающая.

Удивление бысть всем видящим Андреево житие:/ на сметьници легание и посреде града обнажение,/ и колесничное поправление,/ но сия вся бысть ему пути правление в Небесное Царствие.

Удивишася вси, видящи терпение твое:/ мученицы бо во едино время страсть претерпеша,/ ты же вся дни живота твоего злыя муки терпел еси,/ в Небесное Царство желая вселитися,/ еже получив ныне, радуешися безконечною радостью.

Сокровенная быша тебе откровена/ и вся Безплотныя, аки плотския, видел еси: ничтоже бо земных возлюбил еси./ Темже и Небесная врата отверзошася тебе,/ в неизглаголанную радость Господа твоего, блаженне, вшел еси.

Богородичен:

Поют Тя Чины Ангельстии и славят Тя земных роди:/ Ты бо, Небесная Царице, Андрею явилася еси,/ покрывающи люди в церкви нетленным Твоим Покровом,/ за вся поющия Тя непрестанно молящихся.

Песнь 6

Ирмос: Божественное сие и всечестное/совершающе празднество,/ Богомудрии, Богоматере,/ приидите, руками восплещим,/ от Нея рождагося Бога славим.

Апостола Павла исполнися глас на тебе, отче:/ слово Крестное погибающим убо юродство вменися,/ тебе же, спасающемуся, сила Божия бысть, Андрее всехвальне.

Христов глас исполнися на тебе, реченный:/ блажени нищии духом, яко тех есть Царство

Небесное./ Ты бо обнищал еси духом/ и Царство Небесное восприял еси.

Епифанія иногда, юношу суща, на путь правый настáвил еси/ емуже и прорекл еси архиерею б́йти и люди уч́ити:/ вся бо будущая, яко пред очесы́ сущая, видел еси.

Богородичен:

Припадаем Тебе, Богородице, мы, грешнии,/ да и на нас ныне прострѣши невидимый Покров Твой,/ к Сыну Твоему и Богу нашему да принесѣши молитвы Твоя за ны,/ якоже Тя дрѣвле Андрей в́иде.

Кондак, глас 4.

Подобен: Вознесыйся:

Во юродство претворився волею,/ мира сего красоты отнюд возненавидел еси,/ плотская мудрования увядил еси постом и жаждею, и знѣем,/ и студению мр́аза,/ от дождя и снѣга, и от прочия воздушныя т́яготы никогдаже уклонився,/ оч́истил еси себе, яко злато в горн́иле,/ Андрѣе блаженне.

Икос:

Приидите, христороубцы, **приидите,**
нищелюбцы,/ **восхвалим** блаженнаго
страдальца,/ премудраго Андрея, бывша юрѣда
Христа ради,/ волею мир и яже в нем умѣты
вменивша, по апостолу,/ и во след Христа
усердно потѣкша,/ плоть же свою постом и
жаждею, и знѣем,/ и дождем и снѣгом, воздушною
т́ягостию смиривша,/ д́ушу же от страстей сво-
бѣдну соблюдша/ и свѣтлу добродетельми со-
дѣлавша,/ и Небесное житиѣ со всеми святыми
вечно наследовавша,/ и молящася Христу Богу о
чтущих Его верою и любовию./ К немуже
возопи́м:/ радуйся, угодниче Христов, Андрѣе
блаженне.

Песнь 7

Ирмос: Не послуж́иша т́вари Богомудрии/ п́аче
Создавшаго,/ но б́гненное прещѣние м́ужески
поправше,/ радовахуся, поюще:/ препѣтый отцѣв Господь
и Бог, благословен еси.

Ничтѣже изволив люб́ити на земли п́аче
Зижд́ителя,/ но посреде́ храмов скита́яся, бла-

женне Андрее, радовался еси, поя:/ препетый отцев Господь и Бог, благословен еси.

Не пощаде плоти своей, но предаде ю на подвиги и труды, и нуждное пребывание./ Тем козни демонския мужески попрá блаженный Андрей, поя:/ препетый отцев Господь и Бог, благословен еси.

Ничтоже земныя славы восхотел еси,/ Христа же паче возлюбил еси, блаженне Андрее,/ и к Нему востекл еси, радуясь,/ болезней твоих приемля воздаяние и поя присно:/ благословен Бог отцев наших.

Богородичен:

Блаженне Андрее, молися и ныне Царице Богородице,/ Юже видел еси за мир молящуюся,/ да нас покрýет непобедимую Своею милостию:/ Тоя бо Покровом вси вернии сохраняемся.

Песнь 8

Ирмос: **Отроки** благочестивыя в пещи/ Рождество Богородичо спасло есть./ Тогда убо образуемое,/ ныне же действуемое,/ вселенную всю воздвизает пети Тебе:/ Господа пойте дела/ и превозносите Его во вся веки.

Богатаго умерша иногда видел еси,/ с видимою честью провождаема,/ невидимо же зле сводима во глубинú áдову, блаженне Андрее,/ и о нем плачася и моляся Господу.

Безплотнаго Ангела, печалующаго о погибели душí богатаго,/ в житии сем не покаявшася,/ от печали пременял еси, Андрее блаженне, с нимже поеши:/ Господа пойте дела и превозносите Его во вся веки.

Сребролюбца монаха видел еси,/ от злаго змия стужаема, Андрее блаженне,/ и того, от сребролюбнаго недуга избавив,/ вразумил еси пети и превозносите Господа во вся веки.

Богородичен:

От Андреева видения Покров Твой уведевше, Царице Богородице,/ молимся Тебе прилежно:/ покрый ны милостию Твоею поющая Сына Твоего/ и превозносящая Его во вся веки.

Песнь 9

Ирмос: **Всяк** земнородный/ да взыграется, Духом просвещаем,/ да торжествует же Безплотных умов естество,/

почитающее священное торжество Богоматере, / и да вопиёт: / радуйся, Всеблаженная / Богородице, Чистая Приснодево.

По Христову словеси за биюция ты молился еси, святе: / темже Небесная врата отверзста / и души праведных во образе ластовиц летаюция видел еси, / с нимиже ныне водворяешися, Андрее блаженне.

Христа Бога истинно возлюбив, тебе самого отверглся еси / и тому последовал еси, якоже Он рече: / любяй душу свою спасти, погубит ю. / Темже душу твою в Жизнь вечную соблюл еси, достохвальне святе Андрее.

Великая и преславная ныне сбьшася тебе в Небеснем Царствии, / аще и юрод был еси миру, / но Христу мудр явился еси, достохвальне: / призирай с Небеснаго круга на ны, почитаюция память твою.

Богородичен:

Всяк земнородный покрывается Покровом Твоим, / преславная Заступнице Богородице, / якоже блаженный Андрей Тя виде, / за мир молящуюся Несозданному Существу, / в созданное естество от Тебе облекшемуся.



**В
ТОЙЖЕ
ДЕНЬ**

**Преподобнаго отца нашего и
благовернаго князя Константина Римлянина,
во иноцех Кассиана Угличскаго, чудотворца,
иже на Учме**

НА МАЛОЙ ВЕЧЕРНИ

Стихиры на 4, глас 4. Самогласен:

Верою и любовью, празднoлюбцы, сошедшеся, / в памяти блаженнаго отца нашего Кассиана, / псалмы и песньми восхвалим днесь / Небеснаго человека и земнаго Ангела, / постником похвалу / и новоначальным всем преизящна наставника и руководителя мудростнаго, / и ныне о нас молися ко Господу, Кассиане отче наш, / помилуватися душам нашим.

Честный и светоносный, преподобне, твой

праздник / псполнен радости и веселия
духодарованнаго, / и ныне сошедшеся, инок мно-
жество и христоименити людие, / любобвию вос-
хваляюще, воспоём Божественная делания твоя, /
ты бо, преблаженне, яко крин во юдоли, в
пустыни сей благоделаньми процвел / и благо-
ухаеши душевная наша чувства, Кассиане, отче
наш, / моли спастися душам нашим.

От юности уязвися желанием Божественным,
отче преподобне Кассиане, / взем бо крест свой,
последовал еси Владыце своему, Христу, / тогда и
вся плотская мудрования умертвил еси / и на-
следовал еси воистинну кротких землю, / и ныне
священная чада твоя, сошедшеся, / память твою
духовно празднующе, / прославляем Господа, /
Иже тебе преславно прославльшаго.

Слава, глас 8:

Преподобне и преблаженне отче наш
Кассиане, / ты бо воистинну сподобися Боже-
ственныя жизни, / постом бо и бдением
умерщвляя вину тело свое, / темже и образ бысть
иноком. / Аще бо и телесный язык умолче, / но
чудеса твоя свидетельствуют, / и Богоспасаемый
град Углич, ты проповедуя, вельми хвалится: /
имею бо близ себе, рече, неистошное
сокровище, / сами бо, зряще чудеса бываемая, /
прославляют прославльшаго тя Господа, / Емуже,
пресвяте, молися даровати вселенней мир / и
душам нашим велию милость.

И ныне, Богородичен, глас тойже:

Архангела Гавриила глас восприемше, рцем: /
радуясь, Мати Божия, / Яже Жизнодавца Христа
мирови рождши.

На стиховне стихиры, глас 2.

Подобен: Дóме Евфрафов:

Дом добродетелей ты показася / и приятелище
дарованием, отче Кассиане, / яко от земных к
Небесным обителем преславно, святе, / прешел
еси и тамо праведных чести сподобися, / с ними
же молися спастися душам нашим.

Стих: Честна пред Господем / смерть преподоб-
ных Его.

Телесная чувства воздержанием, отче,

умертвѣл еси,/ страстѣм же всѣческим бысть истерзатель / и плоти томитель, и языку молчанин затворник,/ тем и ученик ты множества Христоу привел еси.

Стих: Блажен муж, бойся Господа,/ в заповедех Его восхощет зело.

Стадо твое, иже тебе почитающих,/ Кассиане, преподобне отче наш,/ и твое успение празднующих,/ на Божественное тех возвышая рачение / и в Божественную жизнь всели твоими молитвами.

Слава, глас тойже, самогласен:

Храм пречестен Божией Матери,/ якоже Сама восхотѣ,/ в пренесении обители воздвигл еси,/ идеже множества ученик собор / в нем воспевати Владычицу Богородицу./ Ейже молися, молимся, преподобне Кассиане,/ не оставити нас сирых, якоже обещася / священное твое стадо избавляти от сетей вражних,/ да тебе вси, яко чадолюбива отца,/ пѣсньми непрестанно почитаем,/ просяще от Христа Бога прияти тобою велию милость.

И ныне, Богородичен, глас тойже:

Обрадованная, радуйся,/ Яже Радость миру рождши,/ Христа Жизнодавца,/ и праматернюю, Дево, печаль отъемшая.

Тропарь, глас 4:

Ветхаго Рима имѣя воспитание,/ державу отечества своего, град Мангупский, оставль,/ и нивчтоже вменил еси княжение / и славу маловременную суетнаго века Христа ради,/ и паче земнаго богатства избрал богатство себе Небесное и славу вечную,/ возвысив ум свой к Богу,/ и житие свое со Ангелы вожделел еси восприяти,/ промышленiem Божественнаго разума направляем,/ и Богоспасаемаго Углича града достигл еси,/ и близ в предѣлах области его над Болгою рекою в пустыню вселився,/ и обитель преславному в честь Божия Матере воздвигл еси,/ и в ней тело свое предложив яко дар освящен./ Тем молим тя, отче Кассиане,/ моли Христа Бога,/ да спасет души наша.

Слава, и ныне, глас тойже:

Еже от века утаенное.

НА ВЕЛИЦЕЙ ВЕЧЕРНИ

Блажен муж: На Господи, возвах: стихиры на 8, глас 8, самогласен:

Преподобне и преблаженне отче наш Кассиáne, / поучáясь в заповедех Господних день и ночь, / тем и в законе Его достойно ходил еси, / обретé мзду трудов своих, / лествицу премírную Небеснаго восхода, / по ней же возшéd, достиже Горняго Иерусалима, / от болезней и пóдвиг достойную пóченьсть приéмля, / ныне с Вышними радуешися, / Божественнаго наслаждáясь вьну зрениа / от Царя бо царствующим Христа, / венцем нетлénия увязéся / и Царствия Его снаследник ýстинен показáся, / но яко имея дерзновение ко Христу, / мир мíрови испроси́ и душáм нашим véлию милость.

Преподобне отче, Богоносе Кассиáne, / силою Креста святаго утвэрждься, / страстная възграна́я отразил еси / и, радуйся, достигл еси, / идеже глас прázднующих слы́шашеся краснаго óнаго веселиа, / тем и светлыми тя венцы́ Христос обогати́, / чудотворче всечестне, исцелений изливаеши неоску́дный источник / верою приходящим к тебе, Кассиáne, отче наш, / и даеши слепым зрение, хромым хождение, / разслабленным и бесну́ющимся челове́ком всем здравие. / Сего ради, со страхом и с верою предстояще, молимся, / молися, преблаженне отче наш, / спастися душам нашим.

Честно́е и пречестно́е приятелище явися Духу Пресвятому, / Кассиáne преподобне, / Безплотным бо во плоти подобяся, / и тех жити́ю подражал еси, / и сего ради от Вседержителя венча́ся десни́цы, / и чудес дар живоноснаго исцеления от Него прияти сподóбися, / и аще и от земли престáвился, / но Бóгови жив и в Горних со Ангелы Ему предсто́иши, / моляся о душах наших.

Ины стихиры, глас 6:

Мирския молвы, преподобне, возненавидев, / Христа Единаго возлюбил еси / и Того крест, на ра́мо взем, понесл еси, / Божественно

вооружився, / змѣя вселукаваго слѣзными тучами
потопѣл еси, / плотскія страсти воздержанием
мудре умертвил еси, / терпением же и постом, и
частыми молитвами / плоть свою духови покорил
еси, / безстрастием души и ума чистотою / подвиг
трудов своих от Него стяжал еси, / темже праз-
днующе память твою, молим тя, / молися Господе-
ви помиловаться душам нашим.

Преподобне отче Кассиане, / любве ради
Христовы / вся, яже на земли, оставил еси, /
постническими труды свое житие уяснил еси, /
воздержанием и слезами душевное око очисти
еси, / и ум свой безстрастием просветил еси, / и
Божественным смирением украсил еси, / собрал
еси иночествующих множества / и учении сво-
ими, яко некоею лестницею восходною на Небо, /
на высоту добродетелей возвел. / Темже ныне
чада твоя любезно вопием ти: / молися Господе-
ви, преблаженне, / помиловаться душам нашим.

Богомудре отче Кассиане, / от Рима, яко
солнце, нам возсиял еси, / и Божиим смотрением
Богоспасаемаго ты града Углича достигл еси, / и
храм пречестен Божией Матери близ его
воздвигл / и ученик множество собрал еси в нем /
воспевати Владычицу Богородицу, / и обитель
прекрасну создал еси, / в нейже трудолюбно
подвизася постом и бдением, / и злостраданием, и
еже на земли леганием, / чистоту имея душевную
и телесную и память смертную, / преподобне отче
наш, / моли спастися душам нашим.

Слава, глас 8:

Приидите, инок множества, / днесь псаломская
пения и цветы духовныя принесем, / яко воистин-
ну иноком удобрению и преподобным
спожителю, / хваляще, сице рцем: / радуйся, све-
тильниче многосветлый, возводя ко Христу инок
множества: / радуйся, граду Угличу похвала и
утверждение, / и всем верным благоутешное
пристанище, / и очищение болящим во гресех, /
на Божественное тех возвышая рачение, / и при-
текающих ти с верою / от беснующихся человек
отгониши духи лукавыя; / и гордых и немилости-
вых неправедно лицемерством зложивущих на

землі, / во смире́ние и в покая́ние приводиши, /
 вся́кия тем душе́тлѣнныя страсти исцеляеши, /
 множества же бесо́вская отражаючи, / и ста́до
 ино́к своими чуде́сы удивляеши. / Темже прече-
 стную́ твою и святу́ю, и Ангелом говѣ́йную,
 память праздную́ще, / преподобне отче наш
 Кассиане, / Божественнаго человеколю́бия про́-
 сим получи́ти / твоими к Богу молитвами, / и миру
 смире́ние испроси́ / и душам нашим велию
 милость.

И ныне, Богородичен: Царь Небесный:

Таже вход. Прокимен дне. Чтения три, преподобническая
 (зри страницы 791—792).

На литии стихиры, глас 6:

**Возсия́ днесь пресветлая и всепразднствен-
 ная память твоя, / преподобне Кассиане, / созыва́-
 ющи многочисленное постник сосло́вие / и препо-
 добных ликостоя́ния, / Ангелы со челове́ки, / яко
 воистинну к похвалѣ́нию Иже в Троице покланя-
 емаго Бога нашего, / сего ради с верою притека́-
 юще к тебе, / исцеления обильна приѣ́млем, / тем-
 же молим тя: / душевнаго нам здравия присно
 подавай, / тебе верно ублажа́ющим.**

**Днесь похвальную песнь в памяти твоей,
 отче, / тебе приносим, / приими́ и предвари́ к Богу
 молитвами твоими, / и изба́ви нас от шуйяго
 стоя́ния, / и десна́го предстоя́ния сподоби, / и да
 тебе вси яко те́пла заступника достойно
 ублажаем: / радуйся, яко ты днесь взы́де к Небе́с-
 ным ликостоя́нием веселитися безконечно / и нам
 оттуду источаеши / присноживоносный цельбо-
 но́снаго да́ра источник; / радуйся, яко Безсмер-
 тному Царю Христу Богу / во свете Его Божества
 выну предстои́ши / и за град свой, и за всю
 Русскую землю мо́лишися непрестанно; / радуйся,
 треблаженне отче наш Кассиа́не.**

**Днесь Богоспасаемый град У́глеч, / яко новаго
 Авраа́ма пресельника, / тя, преславне отче, при-
 е́м, радуется, / блаженна же всесвя́тая память
 твоя, / юже праздную́щим источаеши благодать
 независтно всем, / му́дрствующим Церковная дог-
 ма́ты правосла́вно, / блаженни же и ученицы́
 твои, / иже себе такова́го учителя духоно́сна**

стяжавше, / греческаго восточнаго благочестия, / Кафолическия веры сына и чуднобсна отца чада нарекошася, / Кассиане дароточиве, / молитвенниче о душах наших.

Столп непоколебим Христове Церкви, отче, был еси, / темже Божественною ревностию разжэгся, / дерзновенно неправедное начинание / праведно разорити тщашеся / и, раздельшиися любовью князи, / паки тую прияти имá молиши, / и брата на брата своего востающа, гневом Божиим претиши, / и злаго насилия, яко гордаго фараонита неправду, обличаеши, / и престати от таковаго повелеваеши / непокаряющаяжеса твоему праведному наказанию, / суду Божию онаго предаеши. / Озлобленнаго же князя и úзы, и темницею / того добре скончати таковой подвиг увещаваеши / и блаженный вечный онамо покой ему прияти обещаваеши. / И ныне, наставниче наш Кассиане, / моли спастися всем, иже любовью почитающим священную память твою.

Слава, глас тойже:

Светлая и всепразднественная днесь возсия нам, / якоже второе солнце, / всех празднолюбных соборы просвещает / и тьму отгонит древняго помрачения / честная память Кассиана чуднаго, / и Богоспасаемый Углич град, / созывая к честней и чудотворней его иконе, / тем со страхом и радостью обლობызающе, молимся, / якоже кроткому Давиду, благоверным на сопротивныя одоление даровати / и мира миру испросити / и душам нашим велию милость.

И ныне, Богородичен: Богородице, Ты еси лоза истинная:

На стиховне стихиры, глас 1. Самогласен:

Преподобне отче Кассиане, / сошедшеся любви в память твою, / примем дрéвле люющияся от тебе целебныя благодати / и, светло торжествующе, во гласех песенных поюще Давидски, глаголем: / блажен муж, бояйся Господа, / непорочен бо в путех Господних ходил еси, / тем же с преподобными водворяясь, / с ними же Господеви молися / помилуватися душам нашим.

Стих: Честна́ пред Господем/ смерть преподобных Его.

Днесь в память сошедшея, братие, принесем веру и духовно почтим/ честнаго отца нашего Касси́ана,/ вси хотящии исцелитися/ да никакоже усумнѣмся предстояще,/ христоименїтїи людїе и мона́си со страхом,/ но почерпѣте вино́ Небеснаго нектára, дѹши веселящее,/ всем бо нам ныне явно открыся благодать Божия,/ молитвами великаго чудотворца Касси́ана,/ изливает бо всем, к нему с верою приходящим,/ неоскудное душам нашим и телесем живоносное здравїе/ и всем в нуждах поможение и заступление,/ сѹщим в бедáх и в болезнех скорый и теплый везде предстатель,/ и зубнѣя болезни преизящный целитель,/ и всяким неисцельным недугом оздравитель,/ иже всегда дарует нам мир и велию милость.

Стих: Блажен муж, бойся Господа,/ в заповедех Его восхощет зело́.

Источник приснотекущий, врачѣвство безмездное,/ гроб знаменоноснаго отца нашего Касси́ана,/ всяк бо, приходѣй к нему, приемлет исцеление./ О, великая благодать от силы живоноснаго мертвеца,/ преблаженнаго отца нашего Касси́ана, но и по пресвятѣм его преставлении/ от благоухáнных мощей его,/ истекши дародательный сий/ и никогда же изсыхающий животный источник,/ от него же, вси пїюще, жизнь блáгу ѣмут,/ его же молитвами, Иисусе Христе, Царю всех,/ спаси души наша, яко Милосерд.

Слава, глас 6:

Приидите празднoлюбцы,/ и приидите и не замедлите,/ и примите, братие,/ драгáго дáра, лию́щияся нам благодати/ от предивнаго отца нашего Касси́ана,/ и вси, сошедшея,/ усердно и светло торжествуем вкупе/ со псалмы и пѣсньми,/ и пенѣми духовными/ в честней памяти пресветлаго и светозарнаго,/ великаго в чудесех светильника,/ сияюща нам в пустыни Учме, и преименитаго града Углеча проповедника,/ пре-

подобнаго отца прославим, / и любовь ныне вси почтим всепразднественный памяти его рождения день, / и насладимся нынешняго благодатнаго торжества бисера бесценнаго, / се бо звание прииде сей его праздник, / возвещающий нам день жизни вечныя. / Сего ради со страхом предстояще ему и молящися, / облобызаем честную его чудотворную икону с любовью и целомудрием, бодренно, / и всечестное, и равноангельное его житие восприимше, восхвалим, глаголюще: / о преславне Кассиáne, / радуйся, отечеству своему светильниче пресветлый, радуйся, всей Русстей земли радость немерцающа / и похвала Угличу граду неотъемлема, / радуйся, яко чисте Чистейшему Трисиянному Света Божеству Нераздельному / со Ангелы предстатель явися Троицы благоговейный, / радуйся, светильниче многосветлый всем нам, / учеником твоим и верным чадом, / иноком и христоименитым людем предстательство неложное и спасение нам, грешным, / невидимым твоим ходатайством ко Владыце и молением о душах наших.

И ныне, Богородичен воскресен,
глас тойже.

Тропарь, глас 4:

Днесь пресветло красуется славнейший Углич град, / церковь же Божия Матере вельми радуется, / имея многоцелёбныя в себе мочи великаго чудотворца, / преподобнаго Кассиána, возсиявшаго от Рима, / якоже солнце, всему миру издалеча просвещая верных сердца, / имже украси Бог церковь Матере Своея, / темже ныне молим тя: / буди покровитель и заступник непобедимый / от всяких бед граду нашему / и всем верным хранилище, / притекающим в дом Божия Матере и кланяющимся тебе, / преподобне угодниче Христов Кассиáne, / моли Христа Бога спастися душам нашим.

Слава, и ныне, Богородичен.

На благословении хлебов
оба тропаря преподобному по единожды.
Таже: Богородице, Дево, радуйся:

НА УТРЕНИ

На Бог Господь: тропари сия оба по единожды.

Слава, и ныне, Богородичен.

Еже от века утаенное:

По 1-м стихословии, седален, глас 1:

Иноческое житие измлада, преподобне, возлюбив / и Христу от души последовав, / Богомудре и Богоблаженне отче наш Кассиане, / благодатию Святаго Духа ум свой озарив, / от него же пресветлыми зарями сердце свое просветив, / световиден воистину весь добродетельным своим житием просияв, / в молитвах и пощениих в бдениих иноком образ был еси великий, / искусителя же воздержанием победил еси. / И ныне на Небесех ликуеши со Ангелы и со всеми святыми, / тем же вопием ти: / слава Давшему ти крепость, / слава Венчавшему тя, / слава Дающему тобою всем исцеление.

Слава, и ныне, Богородичен:

Упование христианом, Пресвятая Дево, / Его же родила еси, Бога, паче ума же и слова, / непрестанно моли с Вышними силами / дати оставление грехов наших всех и исправление житию, / иже верою и любовью присно Тя славящим.

По 2-м стихословии седален, глас 8:

От земных на Небесная помыслив и делом соверши ко Господу любовь, подобяся молнии, / от востока до запада преходя, / яко другий Авраам от отечества своего во Египет преселився, / тако и ты, Богоблаженне Кассиане, / по Божественному смотрению от града Мангупска к граду Москве прииде, / и Богоспасаемаго Углича града достиге, / и храм пречуден Божия Матере созда, / и обитель прекрасну воздвиге в славу Христу Богу, и инок множества собра, / но егда быше в жизни, печашеся ими яко присный отец, / тако и ныне, отче Кассиане, / собранное ти Боголюбезное стадо инок от навет вражиих и всяких бед свободи / и моли Христа Бога нашего согрешением оставление даровати / празднующим любовь святую память твою.

Слава, и ныне, Богородичен:

Небесную дверь и ковчег, / всесвятую гору и

светлый ѓблакъ воспоем, неопалимую купину, словесный рай, / Евино воззваніе, / вселенней всей великое пріятеліще, / яко спасеніе всем содеяся миру и оставленіе древним прегрешеніем; / тем же воіиєм Ей: / моли Христа Бога согрешеніем оставленіе даровати / благочестно поклоняющимся пресвятому Рождеству Твоему.

По полиелеи седален, глас 4:

Днесь в память сошедшеся, братіе, / духовно почтѣм честнаго отца нашего Кассіана, / иже постомъ тело свое изнуривъ, / воздержаніемъ же страсти умертвив и бдениемъ умъ очистив, / молитвою же душу просветивъ, нищетою на Небесехъ сокровище себе некрадомо стяжавъ, / послушаніемъ Бога благопослушлива имѣ, / чистотою жилище Пресвятаго Духа бывъ, / Его же ради и Богоспасаемый Угличъ градъ / торжествуетъ о Бѣзе достойно в память твою, отче Кассіане, / молитвами бо твоими спасаеми отъ искушеній и бедъ / и всякаго прещенія, находящаго на ны, / и паки, преподобне, не престай моляся Христу Богу / спастися душамъ нашимъ.

Слава, и ныне, Богородичен:

Многими прегрешеніи / азъ, блудный, умъ помрачивъ, / воіию Твоему крепкому заступленію, Богородице, / просвети души моея зѣницы, / возсия ми покаянія светлую зарю, / и облецы мя во оружіе Света, / Дево Богородительнице Чистая.

Таже степенна, антифон 1-й 4-го гласа. Прокимен: Честна предъ Господемъ смерть преподобныхъ Его. **Стих:** Блаженъ мужъ, бойся Господа: **Всякое** дыханіе:

Евангеліе отъ Матфея, зачало 43.

По 50-мъ псалме стихира, глас 8:

Приидіте, инокъ мно́жества, / приидіте, пустынное воспитаніе, / приидіте, града Углича неборасленныя ветви, / испущающія и возвращающія цветы благоуханныя инокъ светоносивыхъ. / Приидіте, христоноснии, новии израильты, и с нами вкупе ликъ составимъ, / днесь бо всемъ намъ духовная поставляется трапѣза, / и паче благовонныхъ ароматовъ облагоухаетъ насъ / память преподобнаго отца нашего Кассіана. / При-

идите, стецёмся и любезно целуем чудотворнаго образа его подобие, / и благоговейне к нему воззовем: / отче духоносне Кассиáne, / твоими молитвами испроси нам у Христа / мира и велия милости.

Таже канон Богородицы с ирмосом на 6,
и преподобному отцу нашему Кассиáну два канона на 8.

Канон преподобному, егоже краегранесие сицево: Дажь ми, Христе мой, восхвалити Твоего угодника. Глас 2.

Песнь 1

Ирмос: Грядите, людие, поем песнь Христу Богу, / раздэльшему море и наставльшему люди, / яже изведé из работы египетския, / яко прославися.

Агнче незлóбивый, отвёрзи ми устне недостойнии и язык мой уясни, и сердце мое просвети, / и ум мой озари светом твоего Богоразумия, / да возмогу воспевати память преподобнаго Кассиána, / его же на земли удивил еси.

Многим милосердием и щедротами, Содетелю твари и веков Творче, / молебное пение приими и прощение нашим согрешением даруй, / Твоего угодника, преподобнаго отца нашего Кассиána, молением и тишину сердцу моему.

Светлое и Богоугодное житие твое яко свет воистинну на земли показáся, / Божественную видети Светлость, Кассиáne, сподобися, / темже и видимая вся оставил еси и Непостижýмаго зрети сподобися.

Богородичен:

Моих прегрешений, Владычице, пленницу растóргни, / Своего Сына и Господа молящи, / и томящий мя грех, Приснодéво, низложи, / яко да воспеваю Тя всегда, Всенепорóчная.

Ин канон, глас 4.

Ирмос: Мóря чермнýю пучину / невлáжными стопáми / дрéвний пешешествовав Израиль, / крестообразными Моисеовыма рукама / Амáликову силу в пустыни победил есть.

Божественнаго и Пресвятаго Дýха блистáяся благодáтию, иже светонóсное, Кассиáne, / и честное совершающих твоё успение, / свётлою молитвою твоею страстэй мглу очисти.

От юности, преподобне, иноческаго образа возжелév / и сподобися его в среднем жития твоего

красолітїи в Русстей державе получи́ти, / и де́же и ярем Господень восприем, и в браздах своего сердца пшеницу сеял еси духовную, и пожал еси клас, утверждающ́ ду́шу, Богоблаже́нне.

Светоносная память твоя гра́ду У́гличу днесь возсия́, яко солнечныя лучи́, / Касси́ане, преблаже́нне о́тче наш, / исправлѣнии твоими страстѣй наших отъѣмлюще о́блак, / еяже сотворяюще, ве́роу ты и любóвию ублажа́ем.

Богородичен:

Зачала́, Пречы́стая, неизрече́нно Сло́во, / содержа́щаго земны́я концы́, / и Сего́ родила́ еси, / Его́же моли́ приле́жно поми́ловати нас.

Песнь 3

Ирмос: На ка́мени мя веры утвердив, / расшири́л еси уста́ моя на враги моя, / возвесели́бося дух мой, внемда́ пѣти: / несть свят якоже Бог наш, / и несть пра́веден, паче Тебе, Господи.

Жезлом добродетелей страстное море пресек / и гордаго врага, якоже другаго фараона, молитвами твоими погрузив, / и избранное твое стадо, новаго Израиля, невредно соблюди, Касси́ане преподобне.

Возлюбив, блаженне, всенощное бдение и молитву непрестанну, и любовь нелицемерну, / сими очищая ум свой, душу же просвещая, и тело свое смиряя, / и ко дневным трудом благопокорно устрояя.

Храм ты, вси вернии, Духа Пресвятаго ве́мы, / и храм Боголе́пен Божией Матери воздвигл еси, / и обитель прекрасну устроив, и в ней инок стадо Боголю́бне совокупил, / в нем же ныне всяк недуг молитвами твоими отгоняется.

Богородичен:

Во ины́х жена́х мати донде́же дева непозна́ся, / ни мати по рождестве де́вствовати сподобися, / на Тебе же, Дево Мати, обо́е сбы́тся, / тем веселием духа воспеваю: / несть непорочней, паче Тебе, Владычице.

Ин

Ирмос: Веселі́тся о Тебе Церковь Твоя, Христе, зовущи: / Ты моя крепость, Господи, / и прибежище, и утверждение.

Добродетельно изначала показал еси житие, о́тче пребогате, / банею пакибытія́ дар духовный

от младенчества в души своей прием, благолепне Касси́ане, / солнца светлейши от ужаснаго Божественнаго видения просвещь вся чувства и, яко чуден, разум благий стяжал еси, / иночество имущим житие неблаженно показал еси.

Кто твоя подвиги изрещи́ возможет, / ты бо пути жестокия из отечества своего в чуждых странах, / в пустыни, глаголемей Учме, шествуя, взем сурово, овощи, ягодич ядыше, / вкушение же отлагаше сладостныя пици болезнныи воздержания.

Яко ма́слина плодовита, в дому Господни прозябл еси, / в пределах града Углеча просветився маслом трудов твоих, Касси́ане духоносне, / умащяя наша лица благодатию Духа Пресвятаго, поющих тя, / преподобне и Богоблаженне, вся ны посети, моляся Человеколюбцу.

Богородичен:

Из Тебе, Чистая, Цвет неувядаемый, / благоухая все человечество, Божественным миром естества Своего, / Иже Отцу Собезначальный, / из Тебе быв под летом, Дево Всенепорочная.

Кондак, глас 4:

Якоже пресвѣтлое солнце, / возсия́ нам от Рима и к царскому граду достигл еси, / преблаженне отче Касси́ане, / и Ангельски в Русстей земли пожил еси, / и древних постник на высоту воздержания востече, / и в пустыни Учме, близ Богоспаемого града Углеча, / обитель преславному иноком во спасение сооружи, / и храм благолепен Пречистой Богоматери Духом Божиим уясни, / и в ней тобою Бог прославляется, / и ныне моли́тися Господеви не преста́й о стаде своём, / иже многими по́ты и труды́ стяжа́л еси́ / изба́вити его от всех обстояний лукаваго, / и от всяких скорбей и бед невредиму сохранитися, / и нам, рабѣм твоим, грехѣв прощѣние моли́твами твоими получи́ти, / и граду твоему́ Углечу от напастей всяческих / и находящих падений, гнѣвом Божиим праведным, свободитися умоли́, / преподобне и Богомудре отче Касси́ане.

Седален, глас 8:

Постничеством вооружився, блаженне Касси́ане, / страсти победив и плоть свою покорив

дúхови,/ бесом прогонитель показася и недуги
целя,/ темже любовью священную память твоего
живоноснаго успения почитающе,/ просим вос-
прияти исправление житию и миру смирение/
вопиющим к тебе, преподобне Кассиáne, отче
наш,/ моли Христа Бога грехов оставление
даровати/ прославляющим всесвятую память
твою.

Ин седален, глас тойже.

Подобен: Премудрости:

Ангельски на землі пожив, Богомудре отче
Кассиáne,/ ликом постническим примесіся/ и,
взем крест на ráмо свое, последова Владыце
своему, звавшему тя, Христу Богу,/ и в пустыню
вселився, в трудéх же и постéх тело свое изну-
рил еси,/ идéже ты пастыря Своим овцам добре
устроляет Всебогатый Господь,/ сосúде Божия
Духа чистый, Кассиáne преблаженне./ Темже
моли Христа Бога грехов оставление даровати/
празднующим любовью пречестную и святую
память твою.

Слава, и ныне. Богородичен:

Яко Всенепорочная Невеста Творцу,/ яко Не-
искусомужня Мати Избавителя,/ яко приятели-
ще сущи Утешителя, Всепетая,/ беззаконию мя
сúща скверно жилище и бесом игралище в разу-
ме бывша, потщися и сих злодействия мя
избавити,/ светло жилище добродетельми
соделавши,/ Светодательна и Нетленна, отжені
óблак страстéй/ и Вышняго причастия сподоби/
и Свету невечернему молитвами Твоими.

Песнь 4

Ирмос: Пришел еси от Девы не ходáтай, ни Ангел,/ но
Сам, Господи, воплощся,/ и спасл еси всего мя человека,/
тем зову ти: слава силе Твоей, Господи.

Умертвív себе мíрови, жизнь равноáнгельну
на земли пожил еси, преславне,/ и яко дар
освящен Владыце, Кассиáne, свою душу чисту
представил еси/ и Божественнаго Царствия до-
стойно, отче, получил еси.

Место прошения, отче, со тцанием исполняя,/
храм Боголепен Божией Матери воздвиже,/ в нем
же ныне праздничною радостію инок собрание

веселится, / славяще усердно твое в Небесныя круги невечерняго Света возшествие, / память твою священную духовно почитаем.

Богоспасаемый Углич град ныне веселием, отче, / красуется, имея мощи твоя близ себе, преподобне Касси́ане, / ученицы́ же твои житию твоему ревнующе и твоей памяти радуящися, молебно вопиют ти: / не забуди стадо свое, еже собрал еси, мудре, и в жизни сей упасе благочестно, / и ныне потщися, отче наш Касси́ане, да привлечеши его во ограду Небесную.

Богородичен:

Управи ум мой, Владычице, / труждающийся в пучине скорбей / и потопляемый нашествием тлетворных страстей, / спаси к Тебе прибегающаго, / иныя бо помощи, Чистая, разве Тебе, не знаем.

Ин

Ирмос: Вознесена Тя видевши Церковь на Кресте, / Солнце праведное, / ста в чине своем, / достойно зывающи: / слава силе Твоей, Господи.

Обретая, отче Касси́ане, сам себе, всеблаженне, всю ночь стояше, яко безплотен, / недреманно око имел еси и чисто, якоже зеркало, духовною зарею, / и Божественнаго явления чистым помыслом приемля.

Пребыти внутри мира никакоже восхотел еси, премудре отче Касси́ане, имея наставляющаго тя Божия Духа силу, / в пустыни Учме вселися, безмолвно пожил еси и со зверьми мысленными вину брань имел еси, / но Божиею силою тех ополчения, яко дым и прах, по воздуху во исчезновение разгоняя.

Яко Божественный зрится рай, премудре, храм Божия Матере, / цветы испущая чудес мироухания, / имиже сердца наслаждаются верою, Касси́ане, присно хвалящих тя.

Богородичен:

Святая Богородице, освяти нас, / Яже Пресвятаго Бога рождши, / плотию уподобитися восхотевша человеком, / и Небеснаго жития вся покажи, Пречистая, / причастники молитвами Твоими.

Песнь 5

Ирмос: Света Подателю и веков Творче, Господи, / во свете Твоих повелений настави нас, / разве бо Тебе, иного бога не знаем.

Ветрилом, отче, воздержания окрыляем, страстные тьмы отбежав / и к безстрастию путем наставляем, востече к зрению Трисолнечного, Нераздельного Божества, / от Него озарився, нетления богатство живоносной благодати твоей нам оставил еси.

Воссия в тебе Господь, Егоже от души возжелел еси, преподобне Кассиане, / жилище свое возлюби в Русстей имети земли, / в пустыни Учме, близ преименитаго града Углича, любве ради Христовы подвизаяся в терпении всяцем / и Того славы духом наслаждаяся, и ныне в Небеснем Царствии бесконечно веселишися.

Единой Христовой любве, преблаженне Кассиане, приложився / и Того смотрением Божественным в наших пределах великия реки Болги / и пустыни Учме провозсияв, яко пресветлое солнце, украшаяся заповедьми Спаса Христа, / сего ради и прия от Него благодать изгнати духи нечистыя от беснующихся человек чудозрительно.

Богородичен:

Управи ум мой, Владычице, потопляемый нашествием скорбей и тлетворных страстей, / спаси к Тебе прибегающего, иныя помощи, Чистая, разве Тебе, не знаем.

Ин

Ирмос: Ты, Господи, мой свет / в мир пришел еси, / Свет Святой, обращаая из мрачна неведения / верою воспевающая Тя.

Законом Божественным последуя, премудре Кассиане, / и повелением повинуюся Сотворшаго, законоположник явися иноком и правило известнейшее, / наказатель безумным и злонравным человеком / и наставник заблуждшим и светильник, иже во тьме неведения, преславне.

Огнь искушений и страстей пещь слезами твоих, отче, течений и духовною росой богато угасил еси, / соблюдеся неопалимь, опаляемь бо

любовию всех Царя, / вѣчная увядѣл еси желанія, Боголюбне Кассиане, отче наш.

Яко очѣстившу помышления, преподобне, / благодать тебе дастся яко пророку будущая, яко настоящая глаголати, зрети же дальняя яко ближняя, / и еже князя на князя града твоего Углеча востающа неправедное насилие дерзновенно обличил еси / и, смерть онаго провидев, странну быти ему прорекл, Кассиане, Божие обиталище.

Богородичен:

Житейская не могут уста по достоянью Тя пети, Всепетая, / высшу сущу Херувим и всякия твари. / Тем же с Божественным Кассианом Владыку о всех нас умоли, / Всечистая Владычице.

Песнь 6

Ирмос: **В** бѣдне греховней валяясь / неизслѣдную милосердія Твоего призываю бѣдну, / от тли, Боже, мя возведи.

От земных к Небесным обителем преславно вшел, Богомудре Кассиане, / и в Божественную жизнь вселился еси, и тамо зрети неизреченных сподобился, ихже око не виде, ухо не слыша и на сердце человеку грешну не взыде, / яже уготова Бог любящим Его.

Великаго святителя Иоасафа и чуднаго отца Пайсія, блаженне Кассиане, / благословения сподобився и духовнаго наказания поучение от них восприим, / и бурею греха не погрузися, / тем и в тихое пристанище достигл Небеснаго Царствия, / и тамо ясно наслаждаешься Божественнаго видения.

Твои, всеблаженне Кассиане, живоносныя и всечестныя мощи, лежащая во гробе, и в земных недрах нетленныя познахом и яко источник сладких и живых вод присно нам чудотворении издает благодать, цельбы точащи: слепыя просвещающая, хромыя ходити устраоя, / разслабленных о Христе оздравляя и нечистии дуси от бесных прогоняя.

Богородичен:

Души моея страсти, Пречистая, исцели, / Яже безстрастия бывши источник, / Мати Божия,

просвети Рождеством Твоим, / преподобных молитвы приемля.

Ин

Ирмос: Пожру́ Ти со гласом хваления, Господи, / Церковь вопиет Ти, / от бесовския крове очищися, / ради милости от ребр Твоих / истекшею Кровию.

Неболезненную жизнь в болезнях восприял еси / и болезнем лютым уставляеши озлобления / иже верою просящим прияти избавление неисцельным недугом, Касси́ане всечестне, / тем разреши наша болезни душевныя и телесныя.

Ра́це твоей священной приступающе, / благоухания Божественнаго разума исполняемся, преблаженне Кассиане, / смрада избавляющесея страстей, иже любовию ты чтущия, отче преподобне.

Яко терпящу ти вельми́ по́ты трудов твоих / в благовселенней ти Богоспасаемаго Углича града, пустыни Учме, преподобне Касси́ане, / удо́брь воздержанием, чу́дный отче, явлься Владыка тебе Христос в день твоего преставления, / вручи́ силу Божественну и сим ти недуги повеле́ целити.

Богородичен:

Ной яко праведный явлься и от потопа ду́ши праведных спасе, / тако ты, блаженне Касси́ане, от наводнения реки Волги собранное ти стадо ученик / Божественными же поученьми дивно т́бя от нашествия душетленных страстей спасл еси / и, яко скíнию, обитель кино́вии на превы́шшее место, всечестне, изволением Всечистыя пренесе́, / юже и превозрастил еси болезнями и по́ты своими, / весь возложился еси Пречистой Матери Божии.

Кондак, глас 5:

Яко многосвѣтлая звездá, / возсия́л еси́ в Русстей земли́, отче Касси́ане, / и яко богатство драгоценнаго бисера / прииде к нам от ветхаго Рима / и доше́д Богоспасаемаго града Углича, / и близ егó Божественным смотрением / обитель всечестну возградил, / и церковь Матере Божия чудновидну созда́, / и созда́ инок мно́жества, / с ними же моли́ся Христу́ Бо́гу / изба́вити град сей от варварскаго пленения, / и междоусобныя бра́-

ни, и о́гненнаго запалѣнія невредѣма соблюди́, /
преподобне и Богомудре о́тче Касси́ане.

Икос:

Кто не удивѣтся или не почудѣтся человеко-
любю Божию / и кто не прославит или не ис-
повѣсть неизочтенную и несказанную смотра́ния
Твоего, Христе Боже, / еже к нам излия́ днесь,
благоутробия Свою милость, / яко явил еси посл-
еднему рóду нашему угодника Твоего, препо-
добнаго отца Касси́ана, / земли́ Русстей и гра́ду
нашему У́глечу великое свети́ло и сокровище
благодáтное, / темже вопи́ем ему́ си́це: о прене-
бесный о́тче Кассиане, / радуйся, яко пресветлая
звезда, от запада возсиявшая и к востоку благо-
честия истиннаго пришедши, — от ветхаго Рѣ́ма к
царскому граду, преблаженне, достигл, / отонуду-
же и Богоспасаемый У́глеч град Божественными
детельми наполнил еси; / княжение и отечестве
свое, град Мангупский, оставль, / и Христа Еди́на-
го всем сердцем возлюбил еси, и невозвратным
желанием Ему последовал еси, / и яко не веще-
ствен разум стяжал еси смирением и любовью, и
милостьюею, еже ко всем тихостию, / радуйся, яко
житие свое в чуждых странах, в пустыни Учме
препроводил еси зѣльным воздержанием трудов
своих; / радуйся, яко ту близ града У́глеча обитель
святолепну и храм Божия Матере пречѣстен на
служение иноком возградил еси / и в нем яко
человек был еси естеством, но ангельски и пожил
еси, и Вышняго Иерусалима согражданин явился
еси; / радуйся, яко бывый, якоже столп, страстьми
непотрясо́м, обогащыйся верою крепкаго
упования; / радуйся, отечеству твоему похвала и
преименитому У́глечу граду просвещение, и всей
Русстей земли удобрение; / радуйся, яко благоче-
стива отца преславная отрасль и благоговейныя
матере ветвь многоплодна; / радуйся, целомудрия
иноком увещание сладкогласное; / радуйся, пасты-
рю Христовы огады, словесных овец вводящий в
Божий разум; / радуйся, красное добродетелей
хранилище и в печали унывающим благое
утешѣние; / радуйся, яко Ангелом собеседник быти
сподобися и вся бесовския полки́ посрамил еси; /

радуйся, ты бо во всех странах и во своем отечестве прославлен бысть о Христе много в Руссии, / и в пустыне Учме твориши чудеса, и по реце Волге плавающим тихое пристанище от обуреваний дивно уставляеши; / радуйся, яко по отшествии мира сущим в различных бедах и искушениях / готов сый предстатель обретаяся и везде призывающих тя быстро предваряя; / радуйся, яко воистинну обрете Божию благодать и со Ангелы присно зрети сподобися лицом к лицу Святую Троицу, / радуйся, яко второе солнце, сияя чудеса, и всем, приходящим к тебе присно животну исцелений; / радуйся, преподобне и Богомудре отче наш Кассиане.

Песнь 7

Ирмос: Образу златому на поле Деире служиму, / трие твои отроцы небрегоша безбожнаго веления, / посредеже огня ввержени, орошаеми, пояху: / благословен еси, Боже отец наших.

От града и отечества своего пресельник был еси, / к Богу рuce простирая, спасение обрете, / водам же, послужившим тебе, Божиим смотрением Богоспасаемаго Углича града достигл еси, идеже бьше угодно Владыце, / Ему же радостно ныне поеши: / благословен Бог отец наших.

Преименитаго града Ростова архиерея Иоасафа благословение Ангельскаго образа восприял еси / и в нем боголюбезнаго князя Андрея и христолюбивых людей града Углича множества, / чуднаго же отца Паисия и вся киновийския иноки радости исполнил еси и духовнаго веселия / твоим по реце Волге дивно шествием, спутника, отче, Христа обрел еси, / к Нему же ныне радостно зовeши: / благословен Бог отец наших.

Ликуют собрания иночествующих множества, / и веселятся народов Богоспасаема Углича града пространства в честнем преставлении Кассиана преблаженнаго, / молебный совершающе праздник, радостно от души вопиют: / благословен Бог отец наших.

Богородичен:

Пещь прообразоваше Твое Рождество, Всенепорочная, / отроки бо не опали, / якоже ложесна Твоя, огонь непостоянный. / Тем же молим Тя: / огня вечнаго избави рабы Своя.

Ин

Ирмос: В пещи Авраамстии отроцы персидстей / любви благочестия паче, / нежели пламенем опаляеми, взываху: / благословен еси в храме Славы Твоея, Господи.

Освясца от младенства доброгласною трубою молитвы Твоея / и неплодныя утробы многоплодны сотворил еси, / явился отец сирым, вдовицам заступник милостив, / и смирен, и благоутешителен ко всем, Кассиане всечестне, был еси; / сего ради с Небес благодать приял еси исцелений: / слепым подаеши прозрение и хромым благотечение, и зубныя болезни облегчение.

Водрузивый прежде крест и келлию, идеже ныне Боголепне / Боголюбезная киновия в пустыни Учме тобою, освященне, сияет, Кассиане Богомудре, / в ней молитвы своя возсылая Вышнему, / яко Христа Царя Славы со Ангелы мысленными очима, Богоносе, вину зряще / и в пустыни сей великодревесней водворяясь с Господем, / Божественною тя благодатию осеняюща.

Яко звезду, тя, Кассиане, всемирну, / иноком светило незаходимое, помощника в бедах и грешником великое покаяний прибежище вемы, / ходатая и молитвенника предлагаю Владыце Христу тя, всечестне.

Богородичен:

Видети желая Твой угодник Кассиан / Твоего Сына и Бога неизреченную Славу, Богородительнице, / Сего честный крест на ramo взем, / последова живоносным стопам Его.

Песнь 8

Ирмос: В пещь огненную ко отроком еврейским снизшедшаго, / и пламень в росу преложшаго Бога / пойте дела яко Господа / и превозносите во вся веки.

Авраамский стяжав нрав, премудре, от страны Римския пресельник быв к царскому граду, / отонудуже и Богоспасаемого Углеца града до-

стигл еси / и тамо Богу послужил еси, обещававшу ти воздание богато; / тем, веселяся, усердно Христови вопиеша: / благословите вся дела Господа и превозносите Его во веки.

На земли пожив яко Ангел с плотию, яко безплотен безплотныя враги под ногама покорил, / чистоту же, яко Небесный свет, стяжал еси, / постом и бдением и молитвами в Горня востече, / идеже со Ангелы на Небесех ликуя светло, Христови вопиеша: / благословите вся дела Господа и превозносите Его во веки.

Римския страны и град Мангупск, отечество твое, проповедует, преподобне, / и славнейший Углич град тобою хвалится, / прием от Бога сокровище некрадомо, помощника бо велика, блаженнаго Кассиана восприят, / и с ликом мншеским ныне веселяшися, тем память твою празднующе, радостно вопием: / благословите вся дела Господа и превозносите Его во веки.

Богородичен:

Великому таинству Рождества Твоего / кто не удивится, Богородице, / или кий язык земный или ум безплотных изрещи возможет, / паче бо естества и смысла, Богородице, / Зиждителя родила еси.

Ин

Ирмос: Руце распростер Даниил, / львов зияния в рове затче, / огненную же силу угасиша, добродетелию препоясавшися / благочестия рачители, / отроцы, зывающе: / благословите вся дела Господня Господа.

Ум от страстей очистив, беседовал Господеви Вседержителю, / от Него же неизглаголанно, преподобне, научаем, / пророчески предглаголал востающему неправедно князю на праведнаго князя, всеблаженне; / тем тя, яко велика просветителя душам нашим, / согласно, Кассиане премудре, вернии похваляем, поюще: / благословите вся дела Господня Господа.

Подавая тебе яже противу любви Зиждитель, / от юности соблюдая тя десницею Боголепно, / яко от младенства всяко похотение поправша, / тем, якоже молния, всем возсия великими блистаниями, / жития твоего воздержании сияюще, Кассиане премудре, / иже благочестно Зиждите-

лю зовущим:/ благословите вся дела Господня Господа.

Яко струя Божественна исцелений происходит от живоносныя ти благодати,/ вся исцеляет и омывает скверны страстей, и гноение язв лютых очищает,/ и верных животворно напаяет всех сердца,/ Кассиане благодатеточиве, иже любовь поющих:/ благословите вся дела Господня Господа.

Богородичен:

Якоже Исаия древле в Кармиле вселися,/ тако и ты в пустыни великолесней Учме вселитися вождедел еси/ особь с Богом упражнятися и, Богоначальными озарився светолитии, угодник явися Богородицы, вопия Ей:/ радуйся, Обрадованная, Господь с Тобою и Тебе ради с нами.

Песнь 9

Ирмос: От Бога Бога Слова,/ неизреченною мудростию пришедшаго обновити Адама,/ ядию в тление падшаго люте,/ от Святыя Девы неизреченно воплотившагося нас ради,/ вернии единомудренно песньми величаем.

Четверолетне празднующемуся Кассиану Римлянину тезоименит был еси, блаженне Кассиане,/ и того житию подражая, в Русстей земли равноангельно в созданней ти обители Пресвятыя Богородицы пожил еси,/ тем же и равну почесть от Бога сподобился еси прияти,/ с нимже ныне на Небесех веселишися и нас поминай, празднующих священную память твою, да ты непрестанно величаем.

Память священная ти днесь, яко солнце, возсия, Кассиане преблаженне,/ иже благочестивых сердца озаряючи, болезней твоих и чудес сиянием яко воистинну просвещаеши, отче,/ в нюже вся ны помяни, верою почитающия тя.

Твоя священная и живоносная благодать многоразличныя болезни исцеляет/ и посылает полки бесовския всегда, Богоносе Кассиане,/ Божиим Промыслом точиши всем исцеления, верно ты присно блажащим.

Богородичен:

Глас Гавриилов приносим Ти, радующеся:/ радуйся, глаголюще, место священния;/ радуйся,

преподобным славо и всем верным спасение,/ Еяже ради обожихомся, Богородице Приснодево.

Ин

Ирмос: Камень нерукосечный / от несекóмыя горы, Тебе, Дево, / краеугольный отсечеса, Христос, / совокупный разстоящаяся естества: / тем, веселящися, Тя, Богородице, величаем.

Стопам последуя, преподобне и Богоносне, Владыки Христа, / иже благочестно пожив на земли, крóток, незлóбив явися, / милостив и смирен, и благоутешителен, Кассиáne пресвяте, и любвѣ исполнь Божественныя, / сего ради ты верно восхваляем.

Исплетеса тебе венец, яко победителю, Кассиáne всеблаженне, / живоносною и вседержительною Десницею, отче, / и ныне поющим всесвященную память твою, / сподоби, блаженне, уллучити оставление согрешением и прияти милость, преславне.

Примесися Безплотному воинству и преподобным ликом сочетается, / и со избранными всеми ликуеши, претворься истинным обожением и бессмертною, отче, жизнью, / с ними же непрестанно о нас своего Владыку моли, / да подаст и нам тобою Жизнь вечную.

Богородичен:

Храм освящен, вместиен Единому от Троицы сый, / храм Твой, Владычице, угодник Той, духовносец Кассиán, чѣстен воздвиже во славу Твою и честь, / в немже непрестай моляся, / дарующи нам помощь молитвами Твоими.

Светилен, глас 7. Самогласен:

Светильника свыше просвещаемаго / озарение детельми приемлюще, / ныне светоносною памятью твоею, / Богоносне Кассиáne, отче наш, / души наша освящающаго, достодолжно почтѣм; / радуйся, яко ты днесь, Христову Престолу предстоя, преподобне, с Богоматерию Пречистою Девою, / моляся непрестай, победы на варвары христолюбивому народу нашему даровати / и всем верующим душевное спасение / молитвами твоими просим уллучити, Кассиáne Богомудре.

Слава, глас тойже.

Подобен: Духом провидя:

Благодать преизбысть Божия в души твоей, Богомудре Кассиáne, / и яко безплотен на земли пожив, / тем почитающих тя любовью, / страстей избáви темных облак, и к тихому пристанищу Божественному приведи, / и отгони ополчения бесóвская, / и исправи к падению преклоньшихся душетленного потопления / дивным ти и нечаемым предстательством и заступлением, Богоблаженне.

И ныне:

Сотвори воистину с Тобою величие / Сын Превечный Отчим Советом, / Жизнь бо нетленную без страсти родила еси / и пребысть, якоже прежде рождества, Дева, / матерских избéгши болезней, / и по рождестве Девою пребывша, / темже зовем Ти со Ангелы: / Богоневесто, радуйся, Мати Божия и Неискусомужная, / чертог и дверь, и Престол óгнен, / и гора Божия несекóмая, и купина неопалимая, / Всемиловитая Владычице.

На хвалитех стихиры на 4, глас 8.

Самогласен:

Божественная и светоносная настá память твоя днесь, / иже в постницах, великий Кассиáne, отче наш, / дúшу и тело духом веселящи, / темже приидите, празднолюбцы, / яко да насладимся нынешняго торжества, / се бо наше звание преиде / и всей Русстей земли удобрение, / и граду нашему Углечу похвала и утверждение, / сонаследник бо Христов явился, / и Безплотных житию подражатель был еси, Кассиáne всечестне, / и молися Спасу всех / умирить мир и спасти души наша.

Отче Богомудре Кассиáne, / тебе Бог показá в наших странах / пастыря словесному Своему стаду, / и украсил еси, пречудне, церковь Божия Матере, / и, яко свещи, в ней возжегл еси светоносных служащих Бóгови иноков, / идеже и священное ти тело сложив, / душою же в Небесная взýде ликостояния. / **И ныне** всевятая твоя благодать / Духом Божиим чудновидно живонос-

ная исцеления/ всем, с верою притекающим, обильно источает;/ тем молися ныне, Кассиáne пресвяте,/ даровати душам нашим мир и велию милость.

Яко Ангел земный и Небесный человек был еси, премудре,/ умертвил еси плоти мудрование Божественными разумением/ и телесных превыше страстей был смещен дольными,/ нося начертание Божие,/ источник умиления и щедротам струя независтна,/ явился пучина чудес и грешником споручник,/ маслина воистинну Божия плодovitа,/ маслом трудов твоих, Кассиáne чудне,/ умащая верно восхваляющих тя.

Преподобне и Богоносне Кассиáne,/ житие свое прошед нескверно,/ терпение же, и кротость, и любовь нелицемерну,/ всенощное стояние, инокующим украшение,/ веру и надежду истинну,/ изображая в себе Божественными добродетельми,/ весь световиден показася действием Святаго Духа/ и источник чудесем явился днесь, и река дарований,/ притекающим к тебе, Кассиáne Богомудре,/ еже слепым видети, прокаженным очищатися,/ и одержимыя нечистыми духи/ от тех власти избавляеши и целомудрие им твориши,/ сия тебе дарова Господь, отче наш,/ ты же тай нам раздаеши неоскудно, всебогате.

Слава, глас тойже:

Духа Божественнаго благодатию/ в память священнаго отца собраннии благовернии празднoлюбцы/ Кассиána, благочестию подражателя, веселящеся, восхвалим,/ Церкви пресветлаго светильника,/ Божественнаго Духа сосуд пречистищен и избран,/ чудотворца дивнаго и дародателя живоноснаго,/ днесь, сошедшеся к нему, стадо инок/ и христоименитых людей множества со архиерейскими лица,/ и чудесы его точащими в нас ныне ясно удивляемся/ и возвеличим отца нашего, сице глаголюще:/ радуйся, Кассиáne, постником светило многосветлое,/ иноком звезда незаходима,/ архиереем красота и пастырем слава, преподобным совсельниче;/ радуйся, Святыя Троицы пресветлое жилище:/ радуйся, любви и милования источниче:/ радуйся, преосиян-

ный светильниче разсуждений;/ радуйся, правило добродетелей истинное;/ радуйся, столпе одушевлённый Божия Матере,/ воистинну угодниче и проповедниче неизреченный;/ радуйся, применитому Угличу, граду нашему, похвала и утверждение.

И ныне, Богородичен:

Владычице, приими молитвы раб Твоих / и избави нас / от всякия нужды и печали.

Славословие великое и отпуст.

На Литургии: Блаженны песнь 3-я и 6-я, таже прокимен, глас 4: Честна пред Господем смерть преподобных Его. Стих: Что воздам Господеву о всех, яже воздаде ми. Апостол, зачало 213: Аллилуиа. Стих: Блажен муж, бояйся Господа: Стих: Сильно на земли будет семя Его: Евангелие от Матфея, зачало 43. Причастен: В память вечную:

В
ТОЙЖЕ
ДЕНЬ



Преподобныя и благоверныя великия княгини Анны Кáшинския.

*Службу ея зри 12 июня,
на пренесение честных мощей.*

Тропарь, глас 3:

Днесь восхваляем тя, преподобная мати,/ великая княгине инокине Анно:/ яко бо лоза плодovitа посреде терния,/ процвела еси во граде Кашине твоими добродетельми,/ всех удивила еси чудным твоим житием,/ темже Христу Богу угодила еси,/ и ныне, радующихся и веселящихся,/ пребываеши с лики преподобных жен,/ наслаждающихся райския красоты и веселия./ Молим убо тя, моли о нас / Человеколюбца Христа Бога нашего,/ даровати нам мир и велию милость.

Кондак, глас 4.

Подобен: Вознеслся еси:

Яко пресветлая звезда явилася еси в Российской земли,/ во граде Кашине, преподобная мати Анно./ Во всех благочестивых и верных женах,/ яко крин, процвела еси чистым и непорочным твоим житием,/ во инокинях же совершенными твоими труды и подвиги / и взошла еси к Вышне-

му граду, радуешься и веселяешься, / яко добре совершивши твое течение, / и ныне честнѣя твоя мощи, аки бисерие драгое, / явишася на исцеление всем приходящим с верою. / Тем и вопием ти: / радуйся, всекрасная душею, и моли Христа Бога о спасении душ наших.



В
ТОЙЖЕ
ДЕНЬ

**Мучеников Казанских Иоанна, Стефана, Петра,
Бориса, Иакова, Феодора, Сильвана, Феодора,
Василия, Феодора, Димитрия, Михайла,
Иоанна и Василия**

Тропарь, глас 1:

**Молитвами Твоих мучеников, Господи, / благо-
честие в стране Казанстей насадися, / и, яко
пламенем огненным, / Православной верой Вос-
ток озарися, / и ныне их предстательством,
Человеколюбче, / не помяни беззаконий наших, /
но утверди нас в вере истинней / и мир подаждь,
молимся Ти.**

Кондак, глас 1:

**Молитвами святых мучеников Казанских /
умолен буди, Господи, / и вся наша болезни
исцели, / и мир умири, Многомилостиве.**

